

Här Fernand Etgen
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, den 11. Mäerz 2022

Här President,


esou wéi d'Chambersreglement et virgesäit, biede mir lech, dës parlamentaresch Fro un den Här Staatsminister an d'Madamm Finanzminister weiderzeleeden.

Wéi den 9. Mäerz am Lëtzebuenger Wort ze liese war, huet den ukrainesche President, den Här Selenskyj, sech am Kader vun engem Telefonat mam Här Staatsminister fir 250 Milliounen Euro u Lëtzebuenger Ënnerstëtzungsgelder bedankt.

An deem Zesammenhang géif ech der Regierung gär dës Froe stellen:

- 1) Kann d'Regierung präziséieren ob et sech bei deenen 250 Milliounen Euro ëm Suen handelt, déi schonn un d'Ukrain ausbezuelte goufen, oder ëm e Montant, deen den Här Staatsminister nei an Aussicht gestallt huet? Handelt et sech ëm Sach- oder ëm Geldleeschungen? Sinn déi Leeschunge fir déi Leit déi als Flüchtlinge bei eis kommen an där Zomm mat dran oder nach net?
- 2) Falls et sech ëm Suen handelt, déi scho gefloss sinn, kann d'Regierung da präziséiere wéi engem Zweck déi eenzel Montante gedéngt hunn, wien d'Empfänger waren an ënnert wéi engem jeeweilege Budgetartikel se ausbezuelte goufen?
- 3) Falls den Här Staatsminister dës Zomm nei an Aussicht gestallt huet, wéi eng Leeschunge mussen dann iwwer de legislative Wee nach vun der Chamber autoriséiert ginn?

Mat déiwem Respekt,



Fernand Kartheiser
Deputéierten